

# GUÍA RÁPIDA DO MÓDULO DE TFE E PRÁCTICAS EXTERNAS PARA O ALUMNADO

# CONTIDO

Guía rápida do módulo de TFE e Prácticas externas para o alumnado	1
Acceso ao módulo de Traballos Fin de Estudos e Prácticas Externas	2
Preinscrición nunha convocatoria con ofertas seleccionables	2
Selección de convocatoria	
Selección de ofertas	3
Características e cv do alumno	5
Confirm ación	5
Espazo TFE	6
Inscricion nun periodo de defensa	8
Solicitude de cambio de título	
Depósito do traballo	11
Modificacións do traballo nosteriores ao denósito	13



# ACCESO AO MÓDULO DE TRABALLOS FIN DE ESTUDOS E PRÁCTICAS EXTERNAS

Entrando na Secretaría Virtual (a través da ligazón do portal de servizos da UDC), tedes que pulsar na caixa que indica "Traballos Fin de Estudos e Prácticas en Empresa":



Na seguinte pantalla, podedes elexir entre facer unha *preinscrición* nunha convocatoria específica onde se oferten TFE ou PE para a vosa titulación (se fose o caso), ou acceder ao *espazo do alumno* (se xa tedes asignada unha práctica/traballo e un titor).



## PREINSCRICIÓN NUNHA CONVOCATORIA CON OFERTAS SELECCIONABLES


Cando pulses no menú de *Inscrición*, aparecerán na pantalla as convocatorias ás que tes acceso segundo a titulación que estás cursando e a túa situación académica. Poden aparecerche convocatorias para prácticas extracurriculares, ou convocatorias das materias de Prácticas Externas ou de Traballo Fin de Estudos das que estás matriculado.

Se non tes ningunha convocatoria, seguramente se deba a que non hai un período de inscrición aberto para o teu expediente particular. Por exemplo, moitos centros xestionan as Prácticas Externas ou os TFE por outras aplicacións e non fan convocatorias directamente na secretaría virtual.

# SELECCIÓN DE CONVOCATORIA

Nesta pantalla debes seleccionar sobre que convocatoria de oferta das definidas no sistema desexas realizar a inscrición. Primeiro hai que seleccionar un tipo de materia e a continuación aparecerán as convocatorias asociadas a ese tipo de materia nas que cumpres os requisitos (por exemplo, so che van aparecer as que permiten a inscrición de estudantes do teu plan de estudos).






# SELECCIÓN DE OFERTAS


Nesta pantalla aparecen as ofertas asociadas a convocatoria seleccionada anteriormente. Podes engadir, das ofertas que aparecen, un número limitado de ofertas (que foi definido na convocatoria).





Para cada alumno so aparecen as ofertas ás que o alumno ten acceso (por exemplo, nunha mesma convocatoria pode ser que haxa ofertas destinadas a varios plans, e outras destinados so a un plan, segundo o teu expediente o sistema xa determina se ten acceso ou non a esa oferta).

Cando se seleccionan e engaden as ofertas van aparecendo nunha listaxe, de forma secuencial. Pero podes cambiar a orde (preferencia) arrastrando as ofertas á posición desexada.



Para poder seguir co proceso de inscrición debes seleccionar cando menos o número mínimo de ofertas a inscribir que se definiu na convocatoria.



No autoservizo podes ver as ofertas despois da data de publicación, aínda que non se encontre aberto o período de inscrición. Cando abra o período de inscrición tamén poderás formalizar a túa solicitude.

Dependendo da configuración da oferta, pode haber algunhas que se oferten tanto como curriculares como extracurriculares. Nese caso aparecerá un despregable para marcar Curricular ou Extracurricular. Se marcamos extracurricular se mostrará unha mensaxe informativa: "So se asignará se quedan prazas unha vez concluído o reparto de prazas curriculares".

No caso de que nalgunha das ofertas seleccionadas se definiran previamente requisitos para inscrición, se validarán no momento de premer no botón *Aceptar* desta pantalla. Estes requisitos poden ser, por exemplo, ter un certificado de nivel de inglés.

Ao pulsar sobre o botón *Gravar* da solicitude, aparecerache unha pantalla na que se se informa dos requisitos de asignación que actualmente non cumpres e que deberás cumprir no momento da asignación (se fose o caso). Por exemplo, hai inscricións que non requiren ter xa a matrícula feita na materia, pero si que o requirirán no momento de asignarche a oferta definitiva.

Tamén se che mostrarán as restricións das ofertas que non cumpres, e o sistema non che permitirá seguir co proceso de inscrición.

#### CARACTERÍSTICAS E CV DO ALUMNO

Nesta pantalla debes marcar as características que cumpres das definidas nas ofertas que inscribes, e no seu caso, subir o documento acreditativo. Se as ofertas non teñen características definidas esta pantalla non aparece.



Situando o cursor sobre o formulario de subida de arquivos aparecerá un emerxente explicando o documento que se debe subir.

#### CONFIRMACIÓN

O botón *Aceptar* gravará os cambios e xerará un resgardo da inscrición. Tes a posibilidade de visualizalo, descargalo e/ou envíalo por correo electrónico.





#### **ESPAZO TFE**

Neste espacio tedes acceso ás xestións relacionadas co voso *Traballo Fin de Estudos*, tales como a inscrición nun período de defensa, o depósito do traballo, o cambio de título, etc.




Na primeira pantalla ao entrar no espazo, encontrarás un resumo da progresión do traballo, así como os trámites que tes pendente de realizar, e, se está configurado na convocatoria a posibilidade de intercambio de mensaxes, as mensaxes que vos intercambiades titor e alumno durante o desenvolvemento do traballo.


A barra da parte superior vai cambiando de forma automática a medida que o traballo vai avanzando.

Na pantalla de inicio está o resumo, pero hai tres lapelas máis, unha para trámites, outra para documentación, e outra como resumo da actividade.






Na lapela de **xestións** terás os trámites aos que tes acceso. Normalmente serán a inscrición nun período de defensa, a solicitude de cambio de título ou a entrega da documentación final. Pero dependendo da configuración de cada centro/título estes trámites poden ser diferentes. Sempre van acompañados dunha descrición da xestión. As xestións aparecen como *pendentes* (color amarelo), *en curso* (azul), *finalizado* (verde), ou *non iniciadas opcionais* (gris).





Na lapela de *documentación* encontrarás as carpetas que se encontren configuradas na convocatoria para compartir documentación cos estudantes, e tamén a carpeta para o depósito final, que se activará cando teñas a autorización do teu titor. Dependendo do centro e da convocatoria podes ter máis ou menos carpetas activas. Todas van acompañadas dunha descrición.



Recorda, os trámites aos que debes estar atento (revisa as datas no teu centro ou no espazo do TFE) son, como mínimo:

- Inscrición no período de defensa (=solicitude de defensa)
- Solicitude de cambio de título (importante, so se pode solicitar cambio de título antes do depósito do traballo)
- Entrega da documentación final (=depósito do traballo)

# INSCRICION NUN PERIODO DE DEFENSA


Debes ir pola lapela de **xestións**, ou dende a lapela de inicio dende o botón *ir á xestión* dentro do apartado de inscrición nun período de defensa.





Ao pulsar en no trámite ábrese a caixa superior onde aparecerán todos os periodos de defensa, indicando o estado (aberto ou pechado), o prazo e a data límite de entrega. Podes seleccionar o período, normalmente so terás un en estado aberto, e confirmar a selección.

Cando completes a solicitude, o trámite cambia de estado a *en curso*, xa que está pendente da autorización do teu titor. Mentres o titor non autorice a inscrición podes eliminar a solicitude ou cambiar de período.



Unha vez que o titor autorice a inscrición nese período, o trámite pasa a estado finalizado.




## SOLICITUDE DE CAMBIO DE TÍTULO

Un trámite opcional é a solicitude de cambio de título do traballo. Podes iniciala dende o espazo, e tamén necesita a autorización do titor.



Pulsando no trámite mostrarache o título actual en multidioma e terás un botón para propoñer o cambio de título:



Tes que introducir o novo título nos tres idiomas, e premer en confirmar a proposta. Entón o trámite pasará a estado *en curso*, ata que sexa autorizado polo titor, que pasará a *finalizado*.

Para poder solicitar un cambio de título, os datos do título deben constar xa no teu expediente. Se a información do título non foi traspasada ao expediente non podes solicitar un cambio de título porque o



titor pode facelo na súa oferta directamente e cando se traspasen os datos xa se traspasará o novo título. Se che aparece a seguinte mensaxe, ponte en contacto co titor para indicarlle que non podes facer a solicitude porque non están os datos no expediente e o cambio do título aínda se pode facer na oferta.




## DEPÓSITO DO TRABALLO

Unha vez que o traballo foi autorizado polo titor, tes que subir a documentación final a través do trámite específico:



Ao iniciar a entrega, o sistema levarache a unha pantalla para subir a documentación. Poderás incorporar diferentes documentos (debedes estar atentos ás instrucións propias de cada centro), e incorporar unha breve descrición de cada documento que subides.





Cando remates de subir os documentos que desexas, preme no botón *Engadir documentos (x)*. Fíxate que entre paréntese aparece o número de documentos que vas a subir.

Tras a subida, aparecerá o listado de documentos, co nome e descrición que puxeches no apartado anterior, e podes editalo, eliminalo ou descargalo. A maiores aparecerá o apartado de autorización do traballo no arquivo electrónico da universidade. Debes autorizar, ou non, a publicación. Con todo, tras a túa autorización tamén terá que autorizar a publicación o teu titor.



Por último, debes pulsar no botón de confirmar a entrega.



# MODIFICACIÓNS DO TRABALLO POSTERIORES AO DEPÓSITO

De forma excepcional, se tiveches algún erro no depósito, podes solicitar a modificación dunha entrega que xa está finalizada.



Este trámite terá que ser autorizado pola administración ou o coordinador.